

**Ո Ր Ո Շ Ո Ւ Մ**  
**Մասնագետ նշանակելու մասին**

12-ը դեկտեմբերի, 2018թ.

ք.Երևան

Հայաստանի Հանրապետության պետական եկամուտների կոմիտեի քննչական վարչության առաջին բաժնի հատկապես կարևորագույն գործերով քննիչ Ալիկ Ստեփանյանս, ուսումնասիրելով թիվ 83173118 քրեական գործի նյութերը,

**Պ Ա Ր Ձ Ե Ց Ի**

2018 թվականի նոյեմբերի 13-ին ՀՀ ՊԵԿ հետաքննության վարչության 1-ին բաժնում ՀՀ քրեական օրենսգրքի 205-րդ հոդվածի 2-րդ մասով հարուցված և նախաքննություն կատարելու համար ՀՀ ՊԵԿ քննչական վարչություն ուղարկված թիվ 83173118 քրեական գործի նախաքննությամբ անհրաժեշտություն է առաջացել համապատասխան քննչական և դատավարական գործողություններին մասնակից դարձնել մասնագիտական հմտություններ և գիտելիքներ ունեցող անձանց:

Հաշվի առնելով այն հանգամանքը, որ ծրագրային համակարգերի նախագծմամբ զբաղվող «ՈԱԳՆԱՌՈԿ» ՍՊ ընկերության տնօրեն Հրայր Սերգեյի Բաբաջանյանը գիտության, տեխնիկայի, մասնավորապես, բարձր տեխնոլոգիաների բնագավառում իր մասնագիտական հմտությունները և գիտելիքներն օգտագործելով, կարող է աջակցել քննչական և այլ դատավարական գործողություններ կատարելիս, բացի այդ, քրեական գործով չչահագրգռված անձ է, ղեկավարվելով ՀՀ քրեական դատավարության օրենսգրքի 55-րդ և 84-րդ հոդվածներով

**Ո Ր Ո Շ Ե Ց Ի**

1. Թիվ 83173118 քրեական գործով Հրայր Սերգեյի Բաբաջանյանին նշանակել մասնագետ:
2. Հրայր Բաբաջանյանին բացատրել ՀՀ քրեական դատավարության օրենսգրքի 84-րդ հոդվածով նախատեսված՝ մասնագետի պարտականություններն ու իրավունքները:

ՀԿԳ քննիչ՝

Ա.Ստեփանյան

Որոշումը հայտնեցի մասնագետ Հրայր Բաբաջանյանին և նրան պարզաբանեցի, որ համաձայն ՀՀ քր. դատ. օր-ի 84-րդ հոդվածի 4-րդ մասի՝ նա պարտավոր է՝

1) ներկայանալ քրեական վարույթն իրականացնող մարմնի կանչով անհրաժեշտ աջակցություն ցույց տալու համար.

2) քրեական վարույթն իրականացնող մարմնին և քննչական կամ այլ դատավարական գործողություն կատարող անձին ներկայացնել իր հատուկ որակավորումը հաստատող փաստաթղթերը.

3) քրեական վարույթն իրականացնող մարմնի, ինչպես նաև կողմերի պահանջով դատական նիստի ժամանակ տեղեկություններ հայտնել իր մասնագիտական փորձի և համապատասխան քրեական գործով վարույթին մասնակցող անձանց հետ հարաբերությունների մասին.

4) աջակցություն ցույց տալու համար անհրաժեշտ ամբողջ ժամանակահատվածում գտնվել քննչական կամ այլ դատավարական գործողության կատարման վայրում, դատական նիստերի դահլիճում և չլքել նշված գործողության կատարման վայրն առանց այն կատարող անձի թույլտվության, իսկ դատական նիստերի դահլիճը՝ առանց նախագահողի թույլտվության.

5) օգտագործել իր մասնագիտական հմտություններն ու գիտելիքներն առարկաներ և փաստաթղթեր հայտնաբերելու, ամրապնդելու և վերցնելու, տեխնիկական միջոցներ կիրառելու, փորձագետին հարցեր առաջադրելու գործում քննչական կամ այլ դատավարական գործողություն կատարող անձին օգնություն ցույց տալու, ինչպես նաև նշված անձին, քրեական վարույթն իրականացնող մարմնին և դատարանի նիստին ներկա գտնվող կողմերին իր մասնագիտական իրավասության մեջ մտնող հարցեր պարզաբանելու համար, բացատրել իր գործողությունները.

6) ենթարկվել դատախազի, քննիչի, հետաքննության մարմնի, դատական նիստը նախագահողի իրավաչափ կարգադրություններին.

7) դատական նիստի ժամանակ պահպանել կարգուկանոն.

8) արձանագրությունում ստորագրությամբ հաստատել իր մասնակցությամբ կատարված քննչական կամ այլ դատավարական գործողության ընթացքի, բովանդակության և արդյունքների գրառումների լրիվությունը և ճշտությունը.

9) առանց քրեական վարույթն իրականացնող մարմնի թույլտվության չհրապարակել իր մասնակցությամբ կատարված քննչական կամ այլ դատավարական գործողության ժամանակ, ինչպես նաև դժնվակ դատական նիստի ժամանակ իրեն հայտնի դարձած տեղեկությունները:

Մասնագետին պարզաբանեցի նաև, որ համաձայն ՀՀ քրեական դատավարության օրենսգրքի 84-րդ հոդվածի 6-րդ մասի մասնագետն իրավունք ունի՝

1) քրեական վարույթն իրականացնող մարմնի կամ քննչական կամ այլ դատավարական գործողություն կատարող անձի թույլտվությամբ ծանոթանալ գործի նյութերին և հարցեր տալ ներկաներին.

2) ներկաների ուշադրությունը հրավիրել այն հանգամանքների վրա, որոնք կապված են առարկաներ և փաստաթղթեր հայտնաբերելու, ամրապնդելու և վերցնելու, տեխնիկական միջոցներ կիրառելու, փորձագետին հարցեր առաջադրելու, ինչպես նաև իր մասնագիտական իրավասության մեջ մտնող հարցերի բովանդակության հետ.

3) առարկաներ և փաստաթղթեր հայտնաբերելու, ամրապնդելու և վերցնելու, տեխնիկական միջոցներ կիրառելու, փորձագետին հարցեր առաջադրելու հետ կապված դիտողություններ անել, որոնք մտցվում են արձանագրության մեջ.

4) ծանոթանալ իր մասնակցությամբ կատարված քննչական կամ այլ դատավարական գործողության արձանագրությանը, ինչպես նաև համապատասխան մասով՝ դատական նիստի արձանագրությանը և իր մասնակցությամբ իրականացվող քննչական գործողության ընթացքի, բովանդակության և արդյունքների գրառումների լրիվության և ճշտության հետ կապված դիտողություններ անել, որոնք մտցվում են արձանագրության մեջ.

5) ստանալ քրեական գործով վարույթի ընթացքում կրած ծախսերի հատուցում:

7. Մասնագետն ունի նաև սույն օրենսգրքով նախատեսված այլ իրավունքներ և պարտականություններ:

Ծանոթացա որոշմանը, քննիչի կողմից պարզաբանվել են ՀՀ քրեական դատավարության օրենսգրքի 84-րդ հոդվածով նախատեսված՝ իմ պարտականությունները ու իրավունքները:

« 12 » դեկտեմբերի, 2018թ

Մասնագետ՝



Հրայր Բաբաջանյան